

儉且廣捨後且先死矣夫慈以戰則勝以守則固天將救之以慈衛之

聖人心專志一不識不知沌沌兮如愚似訥樸樸兮若鄙若頑藏光去智守弊無爲誠哉似一大不肖之人也不肖者言其與世不相似也以世俗觀之似不肖以道觀之大肖也若世之所謂克肖者肖之小者也故曰我有三寶持之於心而爲修身治國之具能通萬物之情能濟天下之溺一曰慈二曰儉三曰不敢爲天下先慈柔退怯不與物爭故天下莫能與之敵故勇也儉嗇知足裕然有餘故廣也謙虛卑下眾所推尊故能成其長也如若捨慈以任勇則強梁捨儉以事廣

道藏輯要

道德下經釋辭

卷

心集九
六十一

則驕奢捨後以取先則自大天下怒之其禍隨至死之道也若以慈儉不忍人之心而征伐不戰而自勝天下莫能敵之也若以慈儉不忍人之心而自衛不守而自固天下莫能攻之也此天以斯術假手於我我以此術而衛斯民故曰天將救之以慈衛之也孟子曰仁者無敵卽此意也此經雖不主於仁義禮智而仁義禮智潛於其中如此章言一曰慈二曰儉三曰不敢爲天下先者蓋慈者仁之目也儉者義之目也不敢爲天下先禮之目也不敢爲主而爲客智之目也老子曷嘗棄絕仁義禮智哉蓋其善藏諸用耳

善爲士者章第六十八

善爲士者不武善戰者不怒善勝者不爭善用人者爲下是謂不爭之德是謂用人之力是謂配天古之極

善爲士者文修武備息兵業農保境安民而已不尙征伐不任勢力故曰不武也善戰者削平定亂誅暴禦寇而已戰固因怒而起以事之當怒不得已而後應然非出於情意之私怒而殺人故曰善戰者不怒也善勝人者安靜無事常懷不戰之心固守封疆雖有強暴莫能與我敵故曰善勝人者不爭也善用人者忘其自大之心振謙光之德而人悅從其必樂爲我用故曰善用人者爲下也善於不爭故人感其德善於謙下故人效其力斯聖人以德服人而人亦誠服之如是

道藏輯要

道德下經釋辭

奎

心集九

則可以配天古以道化民之意然非天下後世之所能及也
用兵有言章第六十九

用兵有言吾不敢爲主而爲客不敢進寸而退尺是謂行無行攘無臂仍無敵執無兵禍莫大於輕敵敵幾喪吾寶故抗兵相加哀者眾矣

用兵有言言兵家有此言也啓釁起兵謂之主以兵應敵謂之客不敢爲主者言其不敢妄動干戈殘害生民也而爲客者迫而後起不得已以兵應敵也不敢寸進者恐其輕敵而殺傷也而退尺者速退不戰以保全也二者皆仁慈不忍之心不樂用兵之意吁有國者若無輕敵妄動之心常存不戰